



Arkivnr: 2014/10499-29

Saksbehandlar: Roald Breistein

Saksframlegg

Saksgang

Utval	Saknr.	Møtedato
Kontrollutvalet		

Godkjenning av 2 prosjektrekneskapar innan skulesektoren

Bakgrunn for saka:

Kontrollutvalet skal i samsvar med gjeldande budsjett- og økonomiforskrifter, uttala seg om årsrekneskapane. Det er lagt til grunn at prosjektrekneskapar følgjer same prosedyre. I samband med dette gjorde fylkestinget slikt vedtak i sak 49/13 i møte 15.10.13:

«Fylkestinget vedtek at prosjektrekneskapar:

1. På 10 millionar kroner eller høgare skal reviderast av ekstern revisor og handsamast i kontrollutvalet før dei går vidare til politisk handsaming.
2. Der avviket i høve opphavleg budsjett er meir enn 10 % skal same rutine følgjast.»

Uttalen frå kontrollutvalet skal leggjast ved sak frå fylkesrådmannen til fylkestinget, som gjer vedtak i denne saka. Sekretariatet har motteke uttale til prosjektrekneskap for prosjekt 06001 Olsvikåsen vgs - nybygg og prosjekt 02121 Bergen maritime vgs - boresimulator, frå Deloitte, som skal handsamast i fylkestinget. Notat om avslutning av prosjekta, prosjektrekneskapar og revisjonsuttaler ligg ved. I brev dagsett 5.9.2014, har Deloitte stadfesta at prosjektrekneskapane gjev eit rettvise bilete av at begge prosjekta og dei er i samsvar med god kommunal rekneskapsskikk. Oversikt over begge prosjektrekneskapane ligg ved.

Drøfting:

Prosjekt 2121 – Bergen maritime vgs geld bygging av boresimulator og er løyst med ei mindre overskriding. Når det gjeld prosjekt 6001 Olsvikåsen vgs gjeld dette bygging av ny skule og prosjektrekneskapen viser ei overskriding på ca. kr. 800 000. Skulen vart teke i bruk ved skulestart 2006. Det har altså teke 8 år frå siste løyving blei gitt, til endeleg rekneskap ligg føre. Det vert argumentert med at grunnen til dette er at ein har venta på spelemidlar. Sekretariatet stiller spørsmål ved om det er naudsynt å vente så lenge før prosjektrekneskapen vert avslutta. Det vert også vist til uttalen frå kontrollutvalet for prosjekt 06109 Tertnes vgs – Tilbygg i møte 25.8.14 der det i punkt 3 m.a. står:

«Kontrollutvalet har merka seg at det har teke 7 år frå siste løyving blei gitt, til endeleg rekneskap ligg føre,».

Det vil på bakgrunn av dette vera ei føremon om ein i framtida kan finne fram til rutinar som gjer at ein kan avslutte slike prosjektrekneskapar tidligare enn det som har vore tilfelle her.

Utover det som går fram over er handsaming og revisjon av prosjektrekneskapen utført i tråd med regelverket ved at dei vert revidert etter kvart, ved at dei vert send vidare til sekretariatet for handsaming i kontrollutvalet og at det er lagt med notat med forklaring på avvik for alle prosjekta.

Konklusjon:

Sekretariatet tilrår at kontrollutvalet i sin uttale, som for Tertnes vgs., kommenterer at det for nybygg av Olsvikåsen vgs. har teke sær lang tid før prosjektrekneskapen er avslutta og at vil vera ei føremon om ein i framtida kan finne fram til rutinar som gjer at ein kan avslutte slike prosjektrekneskapar tidligare enn det som har vore tilfelle her. Sekretariatet tilrår vidare at kontrollutvalet tar konklusjonane frå Deloitte til etterretning.

Forslag til uttale

1. Kontrollutvalet viser til konklusjon frå Deloitte, der det går fram at prosjektrekneskapane gjev eit rettvise bilete av at prosjekta er i samsvar med god kommunal rekneskapskikk.
2. Kontrollutvalet tar konklusjonen frå Deloitte til etterretning.
3. Kontrollutvalet har merka seg at det har teke 8 år frå siste løyving blei gitt for nybygg av Olsvikåsen vgs, til endeleg rekneskap ligg føre. Det vil vera ei føremon om ein i framtida kan finne fram til rutinar som gjer at ein kan avslutte slike prosjektrekneskapar tidligare.
4. Utvalet har elles ingen kommentar til prosjektrekneskapane.

Hogne Haktorson
kontrollsjef

Roald Breistein
seniorrådgjevar

Dokumentet er elektronisk godkjent og har derfor ikkje underskrift.

Vedlegg: Oversikt over 2 prosjektrekneskapar innan skulsektoren
2 Prosjektrekneskapar og uttale frå revisor



Prosjektrekneskap

Rekneskapsført: Juli/august 2014

Revidert: september 2014

Prosj.nr.	Eining	Føremål	Ophavleg budjett	Rekneskap	Avvik	Avvik i %
2121	Bergen maritime vgs	Boresimulator	kr 11 000 000	kr 11 001 340	-kr 1 340	0,0 %
6001	Olsvikåsen vgs	Nybygg	kr 133 500 000	kr 134 333 496	-kr 833 496	-0,6 %
TOTALT			kr 144 500 000	kr 145 334 836		